











S. VIII. 33.



CARMINA VOTIVA,

in Nuptias

VIRI EXIMII, PRÆSTANTISSIMI DOCTISSIMIQ;

DN. JOACHIMI

KUETZII,

In Scholâ Senatoriâ Stetinenſi

Musicæ Moderateris dignissimi,

SPONSI,

Et

CASTISSIMÆ PIISSIMÆQUE VIRGINIS,

ANNÆ,

CLARISSIMI ET CELEBERRIMI

VIRI,

DN. M. HEINRICI KIELMANNI,

illustris Pædagogii Stetin. ConR. & Græcæ  
lingvæ ac Poës. Profefs. p. m. meritissimi,

FILIÆ,

SPONSÆ,

XVIII. Calend. Jul. Anni cId Idc LII.

Stetini celebrandas,

à

Nonnullis Scholæ Senatoriæ, & quidem

Clasſis ſuperioris, Alumnis,

Honoris & amoris ergo conſcripta.

STETINI,

Typis GEORGII GOETSCHII, Pædag. Reg. Typogr.



**E**u redeunt s̄vos post imbres lumina Phœbī;  
Sic mœror reddit, gaudia magna, gravis.  
Nonnè suis oculis vidit PRÆCEPTOR utrumq;?  
Ah! vidit verè tempore, crede, brevi.  
Conjugis ob mortem dum mœstos ipse dolores  
Hauit; nunc verò gaudia rursus init.  
Ergo tristitiam lethæis obruat undis,  
Lætitiâ & toto corde fruatur ovans.

CHRISTOPHORUS CLAUSIUS,  
Lubenaviâ Lusatus.

**A**mphion muros & grandia saxa canendo  
Ducat: & immensum in pontum detrusus Arion  
Dulcis delphinum moveat modulamine cantus.  
Ejus ut insiliens dorso exponatur ad altas  
Ripas: Threicius psallendo carmina Vates  
Imum conciliet flammis Acheronta sonantem.,  
Eurydicenq; suam lethæo educat averno:  
Te, pie SPONSE, iuvet cantu mulcere puellam.,  
Laudo: & si perges, aderit, quod uterq; probabit.

Laurentius Lehmann, Colb. Pom.

**P**laude Musarum veneranda turba!  
Plaude præcellens Charitum sororum.  
Ternio! vos & reliquæ venustæ  
Plaudite Nymphæ!  
Namq; jam noster meritò colendus  
Cantor ornatam pietate verâ  
Virginem curat sibi conjugali  
foedere jungi.

Hunc



Hunc diu servet columem Jehova  
Cum nova Nupta precor ore cordis,  
Ut queat lætus sobolem jugalis  
Cernere lecti.

Matthæus Bolte, Rügenvv Pom.

**P**laudite multiplici juvenes nunc plaudite voce,  
Ordo Musarum quos modo cuncta regit.  
Plaudite Cantori nostro, post nubila Phœbus  
Cui rediit tandem, júbila læta data.  
Hic doluit graviter deserti fœdera lecti;  
Hæc iterans rursus gaudia multa capit.  
At felix nimium est, quod ei Fabricator Olympi  
Junxit amore, bonis ingenioq; parem.  
Vivite vos longum, vos o concorditer annos  
Vivite Nestoreos, & superate quosq;

HEINRICUS JOHANNIS,  
Pausa Sæmgallus.

**N**unc iterum fortuna favet TIBI SPONSE, secunda,  
Dum Consors vitæ, VIRGO MODESTA datur.  
Gratulor ergo TIBI merito de pectore toto,  
Ac precor, ut faustum sit TIBI conjugium.  
Det Deus omnipotens, vitæ quæ postulat usus;  
Et quæ conjugium consolidare solent.

Joachimus Weincel/  
Wism Megapol.

**T**empore, quo suaves protrudunt semina flores,  
floreat ut thalamus, Sponse, parare cupis.

A2

Quis



*Quis taceat? quis non latâ nova gaudia mente  
excipiat, suavi suavia voce canens?  
Sidere dum lato hoc rubicundam carpere gestis  
Stemmata de roseo, Sponse adamande, Rosam.  
Gratulor, omniregens Dominus tua cæpta secundet,  
decerpta ut vigeat tempus in omne Rosa.*

*JOACHIMUS Seger / Anclam. P.*

**E**uge nunc tædas celebrat secundas  
KUTZIUS Cantor, nitor ipse Phœbi,  
Et tori magnos parat ille honores  
Cum KILEMANNA.

Quæso, quis Sponsis dubitet novellis  
Mente nunc gratâ meritoq; more,  
Gratulari? absit procul hæc recusans  
His Neohymphis.

Ast novis Sponsis ego gratulabor,  
Ut Deus salvos regat atq; ducat,  
Pax, amor constans, pieras salusq;  
Cingat utrosq;.

Turbulentæ sed fugiant procul res,  
Et toro proles numerosa surgat.  
Firmet hoc votum Deus, atq; firmum.  
Fata probanto.

*Adamus Coltzius, Flator. Pol.*

**C**onjugis ut mæsto descripsi carmine mæstus  
Mortē, quā lachrymis frangere nemo potest:  
Sic nunc sacra tori socialia posterioris,  
Vir pie, festivo carmine concelebro.

*Vos*



*Vos ambos faciat Christus vidisse nepotes,  
Dirigat atq; beet cœpta secunda, precor.*

JOACHIMUS Herbrecht / Sed. P.

JOACHIMUS, ANNA,

*nat' ardg.*  
HOC JUS ANNI, AMA.

**N**aturam quicunq; ducem putat esse sequendam,  
Omne hunc nã punctum commeruisse fero.  
Nunc est tempus idem, volucres cum semina prolem  
Parturæ jungunt se peramantq; simul.  
Sic illas natura docet: nam tempora (ceu sunt  
Autumnus vel hiems) illa patrare vetant.  
Ver est jucundum, blandis & amoribus aptum:  
HOC ANNI cum sit JUS, simul ipse AMA.  
Sit felix thalamus, multã sit prole beatus,  
Prospera det lœtæ, qui regit astra, Deus.

Georgius Modero, Stet. Pom.

**U**T Ros irrorat terram delapsus Olympo,  
Atq; madore suo cuncta virere facit:  
Sic quoq; Te madidet benedictio, Sponse, Jehovah,  
Ut vigeat dulcis, non sine prole, torus.  
Incolumes AMBO vivatis tempora multa:  
Hoc faxit, mundum qv sine fine tenet.

JACOBUS Gerauch / Sver. Pol.

**A**ureus ut splendet post tristia nubila Phœbus,  
Et post mœrorem dat gaudia summus Iova:  
Sic tu, dum sociæ luxisti fata prioris,



Gaudia jam captas, quoniam tibi sponsa venusta  
Jungitur, en! thalamo: quod prosperet ipse Jehova.  
Vivas Nestoreos annos, nec turbet Erinys  
Tædas, sistaris tandem cælestibus oris.

Paulus Sutorius, Medzyr. Pol.

**M**usica grata Polo; gratisima Musica cunctis  
Terrigenis, toti & Musica grata Solo.  
Istud perspicuè docet experientia, dum jam  
Te Sponsæ gratum Musica grata facit.  
Prosperet has tædas & capta sacrata Jehovah,  
Adsit Eros vobis dulcis, at absit Eris.  
Vivite felices, ac leti psallite semper,  
Et fructum gratum Musica grata dabit.

CHRISTIANUS CNORRIUS,  
Raudensis Sil.

**V**ulnerat omnipotens, sed vulnera sanat & idem;  
Quos Deus exanimat, vivificare potest.  
Id Dominus Cantor percepit & ipse, marita.  
E thalamo in tumulum cui citò rapta fuit.  
Sol verò radios veluti post nubila spargit;  
Sic fore, nunc cernet, gaudia multa sibi.  
Vlr sapiens poteris persuaVes eDere CantVs  
laM: qVla pro Voto est nVpta VenVsta tibiL.

Petrus Stüvæus, Rüg. Pom.

**R**ex Salomon sapiens inquit, quod amabilis Uxor  
A Domino detur, dos generosa velut.



*Et tibi VIR REVERENDE datur blandissima CONJUX.  
Ergo te faustum nemo negare potest.*

Johan. Radusche, Rügenvv. P.

**E** Vam qui claram præclaro adjunxit ADAMO,  
Adjungit Nympham jam tibi, SPONSE, piam.  
Ergo conjugii det Fautor & Autor, ut absit  
Turpis <sup>ex</sup> thalamo; s'avis ac adsit <sup>æq.</sup>  
Et longos superes annos Nestoris annos,  
Sed post hanc vitam regna suprema colas.

Johannes Edtlevvers, Rüg. Pom.

**I**nnovat Omnipotens rursus tua gaudia, castam.  
Conjugio Nympham dum tibi, SPONSE, jugat.  
Hæc cum quò vivas concors per tempora multa,  
Et videas lecti pignora grata, precor.

Joachimus Köhne/ Rügenvv. P.

**F**œdera conjugii nuper, Præceptor amande,  
Pacta, hodiè firmas per sacra connubia;  
Atq; tibi sociam jungis feliciter ANNAM,  
Quæ prudens, nec non virgo modesta, pia.  
Gratulor, & precor, hoc opus ut benè cunctaq; cedant,  
Utq; Deus thalamum prole, salute bect.

Bernhardus Heint. Gröneman,  
Gryphisw. Pom.

**A**ltera Conjugii jacitur nunc alea: faustus  
Hic quovq; sit jactus, det DEUS omnipotens.

Christianus Gröneman, Anclam. P.

ER



Est pius is semper, iustus, sanctusq; putandus,  
Qui Domini mandata facit, modo mente lubente.  
Talis & est merito Præceptor noster habendus,  
Auspice quando Deo focii pia fœdera lecti  
Jam repetit. — Quod ut eveniat FELICITER, opto.

Elias Kremzo, Stet. Pom.

**P** Receptor venerande, tibi jam ducitur Uxor  
Altera, Kielmanni sanguine nata bono.  
Gratulor inde tibi, Dominum precibusq; fatigo,  
Illa secunda diu sit maneatq; tibi.

Elias Bescovius, Zyllich. Sil.

**S**te est! exoritur post tristia nubila Phœbus,  
Phœbus pro luctu gaudia mille ferens.  
Gaudia tristitiam excipiunt, luctumq; voluptas  
Excipit, atq; leves tristia fata joci.  
Hoc vir clare probas: tua tristia fata cachinni  
Excipiunt, nova jam quos tibi nupta parat.

Virgo suum virtute genus manesq; parentis  
Ornans, virginis stella corusca chori.  
Maeste hac fortuna! cœlum tua cœpta secundet,  
Envideant vestri iurgia nulla lares.

Martinus ab Hefern, Oldenb. Fris.

**F**elices estote, torus sit fertilis, annos  
Conjugibus vobis addat Jovæ novos.

Joachimus Tabbert, Treptoa P.

**C**onjugium dulce opto tibi de pectore puro,  
Cum celebres thalami gaudia læta tui.  
JOHANNES HAKE, Cam. Pom.  
Te



**T**E, pie Sponse, DEI benedictio larga coronet,  
Ut sobolem videas, & bona quæq; DEI.  
Paulus Halbritter, Colb. Pom.

**H**actenus anxietas prescit tibi plurima pectus,  
Quod sit passa necesse, quæ sociata tibi.  
Ast nunc Vir venerande, tibi sunt gaudia rursus,  
Cum ducas Sponsam, quæ proba, casta, pia.  
Opto ergo tibi jam Neönymphe, ut prospera fata  
Aspirent cœptis nocte dieq; tuis.

Laurentius V Vitte, Cöb. Pom.

**P**ectore de toto tibi gratulor, Optime Cantor:  
Hac tibi namq; die Virgo venusta datur.

JOHANNES Zimmerman/Sed Pom.

**O** Prætam tandem lucem produxit ab axe;  
Qui mare, qui terram condidit, atq; polum,  
Quæ NEONYMPHE tori socialia fœdera pangis.  
Adspirent votis fata secunda tuis!  
Fiat, Mygdonii superes Pyliiq; senectam,  
Et vigeat multa prosperitate domus.

Johannes Neuman, Sedin. Pom.

**J**ungitur ecce tibi, KÜETZI, speciosa puella,  
ANNA, pudica satis: jungitur ipsa Venus!  
Plaude Vir hac SPONSA, hoc SPONSO tu SPONSAq;  
Delectare fruens gaudio uterq; diu. (plaude,  
Gratulor: & Pylios ambobus comprecor annos,  
Ac voveo vestro prospera mille toro.

Fridericus G Bermer/Penc. P.

B

Dum



Dum, Kuezi venerande, tibi nova ducitur uxor,  
Ex voto cedant hæc pia cœpta, precor,  
Vivite felices concordî pectore juncti,  
Nullaq; conjugii gaudia turbet Eris.

JOHANNES SCHÜTTE / Sed. Pom.

KUETZIUS instaurat rursus dispendia lecti,  
Impiger atq; subit vincla marita tori.  
Annuat ætherea summus de sede Monarcha,  
Et pia felici cœpta secundet ave;  
Scilicet ut seros cum conjuge vivat in annos,  
Atq; ades repleat prole decente suas.

ULRICUS CRUSIUS, Gultz. Pom.

Altera jam Conjux fato Tibi redditur: illi,  
Et tibi, Præceptor prospera corde precor.  
Prospera corde precor: seros vivatis ut annos,  
Exulet à vestris quoq; iniqua toro.

JOACHIMO GRAMZO, Neogard. Pom.

Optimum felix, & terq; quaterq; beatus,  
Conjuge qui castâ pradius atq; piâ!  
Namq; hac divitiis longè est præstantior, auro  
Pulchrior, & nitidâ jaspide nobilior.  
Quare te meritò felicem prædico, SPONSE,  
Tale cui manus jam DEUS ipse dedit.  
Munus habes, Regum gemmas quod vincit, & aurum,  
Et quicquid rubri voluit arena maris.  
Hinc precor ipse: tuis faveat concordia votis,  
Mella fluant thalamo, lacq; merumq; tuo.

DAVID REGAST, Palxo-Stet. Pom.

Dum



**D**um celebras tædas, oculissime Sponse, secundas,  
Et ruit ingremium, Sponsa venusta, tuum:  
**Hoc** promo votum: concordēs vivite longo  
Tempore, & in Domino fætificate torum!

ANTONIUS Fuchs / Sed. Pom.

**S**ponse, tuis tædis adsit benedictio Jovæ,  
Gratia, pax & amor: sic precor usq; tibi.

Ertman Tesler, Sed. Pom.

**D**um nova, Præceptor charissime, fœdera pangis,  
Opto, sit ut constans pæctio, amorq; novus.

Ertmannus Lindeman, Sed. Pom.

**G**ratulor ex animo tibi, dilectissime FAUTOR,  
Dum rursus thalami fœdera sancta subis,  
Quæ nectis pulchrâ cum Virgine cumq; pudicâ.  
Faustus & hic vobis nexus utriusq; fiet.  
Hæc vobis voveo ex cordis penetralibus imis,  
Apprecor & vitæ licia longa simul.

Christianus Pantzenhagen, Sed. Pom.

**N**unc ardet mea mens paucos depromere versus,  
Dum Deus hunc lætum misit ab axe diem,  
Quô Vir insignis, Musarum gloria magna,  
Sacratæ thalami vincla subire parat:  
Quare & ego meritò tibi nunc, doctissime Cantor,  
Sit, summo à Jovæ, paxq; salusq; precor.

Christianus Grünenberg, Sed. Pom.

**I**am prodi mi Sponse: tibi, tibi, contigit uxor.  
Perpetuò servet vos in amore Deus.

Petrus Flato, Sed. Pom.

Vos



Vos ut Fata diu servant, & prole secudent,  
Ad summum Numen vota manusq; levo.

*Dietericus Holz / Stet. Pom.*

UT lacrymis omnes explebam pectora quondam,  
Cum prior occideres Chara marito tua:  
Sic nunc cum recipis thalamo, Vir Clare, secundam,  
Applaudant mecum pectore & ore tibi.

*Gothofredus Merten, Starg. Pom.*

OMnipotens, æterne Deus, qui cuncta gubernas,  
Cantoris rogito cœpta beare velis.

*Andreas Friderich, Sed. Pom.*

Vivas Præceptor, longos cum conjuge in annos,  
Exopto, & repleas prole virente domum.


*Fridericus Holtzius, Julin. Pom.*

utinam Sponso maneat fortuna secunda,  
Floreat ut multa prole, bonisq; domus!

*Michael Gereke, Geln. Pom.*

EN rursus Neonymphe, tibi jam contigit uxor,  
Quæ studiosa Dei, quæ studiosa tui.  
Gratulor ex animo præsentia fata, precorq;  
Eveniant votis prospera cuncta tuis.

*Christianus Tömeke, Gryphenb. Pom.*







921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



